



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA;

QUOD LIBETARIIS DISPUTATIONIBUS
*manè discutienda, in Scholis Medicorum, die Jovis decimo-nono
Februarii, anno M. DCC. L.*

M. FRANCISCO-FELICITATE COCHU, Rei-Herbariæ
Professore, Doctore Medico, Præside.

An exercenda Chirurgia Juventus aptior?

I.



EDICINA sanitatis vindex, discussâ præjudiciorum nube si consideretur, una est & unica. Finis ipsi pariter unus; multiplex operandi ratio. Eadem, interna vel externa curat, non eodem modo. Hanc tamen diversas in species sibi invicem æmulas, cave distinxeris. Subtilior hæc appellationum soboles, plurimorum errorum parens. Sufficiat nomen Arti cuique suum. Medicum & Medicinam vox una designat. Hanc ratio, rationisque persæpe domitor, [consecravit usus. Ut utriusque finis idem, sic quoque simili continentur officio. Medici parium est, ait Celsus, *eniti ad reperiendam sanitatem*. Eam itaque si restituerit absentem, aut præsentem confirma-

A

verit, nonne beneficium absolvit munus? Illud autem ut impleat; ad quod varia cogitur insecti! Quantus ipsi labor exurgit! Quam pertinaciter naturam interrogare necesse est! Eandem, quam diversis tentare modis imperito plerumque mutam, obscuram quandoque peritiori! Hominibus ad nociva propensis, in vetita ruentibus leges imponenda. Iis contraria suadet magistra blandior voluptas, cui, quod suaviora praescribit, eo lubentius obtemperatur. At illius qui capiuntur illecebris, eam brevi sentiunt multiplici malorum serie redimendam. Tunc diversa pro morborum indole prodeunt auxilia. Haec imperat suis quaeque distributa temporibus sapientissimi Viri consilium. Nunc ferviori *dieta* ministerio coercendus aeger. Nunc salus ipsi redditur, ex invisitis haurienda potionibus, quas secunda conficit *Pharmacia*. Nunc denique, mittendum esse sanguinem vasa turgidiora monent; additum uni *Chirurgiae* munus, non tamen unicum. Ista proinde quis negat utilem, cum sit ipsa curantis Medicinæ pars? Illo certe claruit huc usque nomine; illo se jactare deceat. Haec eadem, utinam in eo felicior! Sauciis opitulanti tentat heroibus, quos allicit gloria, truncati corporis solatium. Ad eam demum pertinent casus omnes, in quibus, *oculata*, ut pingitur, *Chirurgi manus*, consilio Medici rectore, gubernari postulat aegri salus. Utrumque, si vulgo credatur, non dissimilibus modo commendari dotibus necesse est; ambos etiam aetate discrepare convenit. Alterum jam senescentem, & annosâ gravitate verendum scrupulosius querunt non pauci; valentem alterum ferè universi, multoque firmiorem. *Juvenem* plebs & *Aula Chirurgum* clamant. Huic frontem jam sulcato rugis, tractandos artus vix quisquam securus committat. Hunc timent omnes; hunc etiam sui similem, tremens & tardus perhorrescit senex. Mirum videtur, quod ea mentibus hominum tam altè infederit opinio? Multitudinis istud essatum est, inquis, cui silem adhiberi nùm deceat sanæ mentis homines? At multitudinî, quod rarum equidem, ratio consentit, Virorumque doctissimorum autoritas.

I I.

ARS quavis, ut ritè exerceatur, necessarias quasdam exoptulat animi corporisque conditiones. Lex ea *Chirurgia* communis. Haec tota in additis sibi versatur laboribus. Ab ipsâ quaecumque, suadente Medicinâ, peraguntur in humanum corpus, ut salus ipsi redeat, dicuntur *operationes*. In quibusdam ex iis, celeri ac veluti suspensâ manu; certâ & firmiore in nonnullis; in omnibus, solerti opus est ac peritâ. Tanta singulis difficultas inest! Tam multiplicibus convenit instructum esse dotibus Chirurgum! Jam istæ quot & quantæ sint animadvertuntur. Haec, sive naturæ munera, sive fuerint exercitio comparata, minimè possidentur, in annos servanda longiores. Habenda proinde ratio ætatis, quâ, celebrandis officii operibus aptiorem eum esse judicatur. Consulere juvat eâ de re Latinorum Hippocratem, quem in Medicis non audiendum quis audeat asserere? Ab illo Viro fas sit oraculum promi. Esse autem *Chirurgus* debet adolescens, inquis, (a) aut certe adolescentia propior; manu strenuâ, stabili, nec unquam intremiscente, cæque non minus sinistrâ, quam dextrâ promptus; acie oculorum acri, clarâque. Ista pertineant ad corpus tantum & ætatem. Mox ab eodem Autore eximio, cætera quæ operationes aggredienti necessaria censet evolvente requiritur, ut sit (b) animo intrepidus, immisericors; sic, ut sanari velit eum quem accepit, non ut clamore ejus motus, vel magis quam res desiderat, properet; vel minus quam necesse est, secet; sed perinde faciat omnia, ac si nullus ex vagitibus alterius affectus uratur. Hic sanè delineata videntur omnia, quibus commendari. *Chirurgus* queat.

(a) Corneli.
Cels. de re
Med. lib. viii.
translat. de
Chirurg.

(b) Idem,
ibid.

CONDITIONES igitur eas, qualescunque sint, ad duo capita revocare potes. Habet alterum, quibus obfirmetur animus; alterum, quibus ad agendum, vir iis instructus efficiatur habilior. Utrique pariter præpolere decet operantem. Plurimas artes pars quædam obscura sæpè deformat. Ab illis haud semper æqua lux undiquè diffunditur. Non eam, quæ *Mathesm* distinguunt, Chirurgia exultans audaciùs affectet certitudinem. Ista quæ tam ambitione extollitur, tota ferè nititur sensibus. At ex iis errores quanti, quàm frequentes enascuntur! Iisdem quandoquè si nimium credere non reformides, ferrum inferas, quò non sit inferendum. Pus occultum, latentem-vè suspicaris undam; fluctuantis aliquid iudex deprehendit tactus: incidatur, pronunciatum est. Li-quorem expectas, ventus abijt. Tumet insuetà mole distensa pars: impurus inesse putatur latex. Apparent intùs schirrosæ carnes, *Sarcocoele* aperta est. In inflic-tis quoquè sclopetorum ictu vulneribus, quot pendentes ex simili fermè causà casus audivimus! Immersum altè delitescit plumbum, & vi summà raptum simul ex ambientibus aliquid. Cuncta mox extracta fuisse confiditur. Exploratum omni arte vulnus longo tegitur remedium apparatus. Jam emicare purpureæ carnes incipiunt; jam refarciri quæ aberant. Omnia feliciter absoluta. Quid sanatus homo conqueritur? Cur internum accusat dolorem? Cur novà torquetur sympto-matum accessione? Ferrum rursùs experiri cogitur miser, repetitosque subire cruciatus. Tandem educitur non visum antè corpus extraneum, à quo, quàm seva potuissent suscitari pericula conjicias! Ista verò si notissimis famà viris interdum evenierit, nùm ipsis ideo nota tristior inurenda? Peccavèrè sensus. Peccant igitur, negantemque simili poenà doceri non optaverim. Illos proinde dum vo-lumus acie quàm acutissimà donatos, id operanti cujus necessitatis est, cujus utilitatis patienti! At exquisitori tactu, lumine acerrimo, manùs utrius-que dexteritate, cuncta quæ desiderantur expressa nò putes. Mens quoque acce-dat dilucida, constans, sui compos, piè obdurata; & quam omni tempore parem operi præstandum reperias. Hæc omnia quare non fuerint ætati cuivis propria? Quare provectori invidentur, & æternum homini vale dicunt, laboribus & ex-perientià maximè commendando?

I V.

OPERATIO Chirurgica quæ naturæ succurrit, ipsi pessima infe-ret, nì rectè perficiatur. Præbenda impuro latici via, sed ea tantum quæ sufficiat. Auferendæ carnes, quibus mors invehetur vicinis, at nec parcendo ni-mium, nec nimium lædendo. Captivis si reddenda partibus libertas, strangulata solvantur, non immodico vulnere. Pungit vesicam *calculus* & impedit, redvivis affi-duè torquens doloribus. Extrahatur, eo temporis spatio, quo, nec præcipiti festi-natione pars quædam fugitiva remaneat, nec crudeli morà vires exhauriantur. Fer-rum deniquè, in omni casu, necessitas adhibeat, strenua tractet celeritas, so-lertia regat. Nùm verò memoratas adimplere conditiones sustinerit tardior se-nectus, ipsivè affinis ætas? Ubinàm tùm illa *stabilis*, nec unquam *intremiscens* manus? Ubi sinistra dextræ promptioris æmula? Utraque gravis & incerta nec-quequam excitatur, vel ad opus tentat exurgere. Non jam infidi sensus accu-sentur; sed potiùs condonetur error, cujus heu nimiam habent excusationem! Non ad imperantis animæ nutum vel rigidi, vel imbecilles flectuntur artus. Ab illà, jura dantur imbellibus; eadem propè funeratis præstet. Induruerò quæ mollia fuerant, aridis penè nutritii succi fontibus: quæ firmiora, nimis ri-guere. Plures etiàm nondum annis quassatos invadit pars horum quæ ipsi esse aliena deberent, immaturà senectutis imagine. Conspicias, quos breviorè vi-tam, eamque suaviorem, longiori anteposuisse non existimes, quibus antè diem debilitari corpus videatur, sensus hebecere: juvenes ætate, habitu & re senes. Hæc omnia cum juventutem rariora, vel potiùs ferè nulla premant, ad eam

confugiendum esse quomoddò dubitetur? Hanc unam si Chirurgicis laboribus idoneam paulò severius dictum crederetur, iis saltem aptiorem esse pronunties. Hæc laudatâ dexteritate præ cæteris pollet ætatibus. Hæc visu, tactuque eximio cuncta dijudicat. Hæc demùm ad omne quodvis omni tempore parata, collectis animi corporisque luculenter instructa dotibus eminet: strenua; non lentiori cunctatione enecans, non præceps; manu firmâ, non gravi; mente tandèm, ut par est, intrepida. Eadem ubi accersitur, non tantum incutit terrorem: conspectu juvenili crucis apparatus minui quodammodo dicesse formidinem. Solertem sibi præcipuè dexteram vindicat illa, quæ *in operationum frequentissima, sic etiam periculosissima* putatur à nonnullis *vena sectio*. (a) Tùm verò si tui te cura tangat, peritissimam eligas, ne tuo crescat infortunio sauciorum numerus.

(a) Vid. Thes. Anno 1743, in Sch. prop. Cl. Viro M. Bertrand, D. Med. Præf.

V.

NON accedat igitur ad celebrandos Chirurgici muneris actus, quem jam ab illis ætas, spectandaque civium salus deterreant. Valeat senilis manus. Arceantur, quibus hebetem oculorum aciem vitro reparari necesse sit. Longiori exercitio freti, quod huc usquè præstitere nullius damno, id ne confidant in posterum pari modo se præstituros. Annis itaque momentibus, dùm salvà licet ipsorum famâ, obtemperent. Quid eam simul & hominum vitam in discrimen juvat adducere? Melius gloriæ suæ consultum arbitrentur, si eam nullo sinant amittendam casu. At juvenem volumus (inquiunt) exercendæ Chirurgiæ idoneum, illâ ætate, quâ vix eam nunc ediscendam suscipiat. Resp. 1º. Juventutem illam quam tractandis operationibus aptiorem contendimus, severius non esse accipiendam, nec angustioribus coercendam limitibus: 2º. non posse maturius ad artem institui, quam citius deferere temporis dura necessitas coget. Ad illam proinde ab ipsâmet pueritiâ Chirurgus informetur; non tardius conquescat; dictumque sibi Horatianum istud existimet:

*Solve senescentem maturè sanus equum, ne
Peccet ad extremum.*

Ergò exercenda Chirurgia Juventus aptior.

DOMINI DOCTORES DISPUTATURI.

M. Ludovicus - Renatus Mar-
seau.

M. Antonius le Camus.

M. Joannes Bessé, Dotaria
Hispaniarum Regine, dum
vivere, Medicus Primarius.

M. Josephus Lallemand.

M. Petrus Bourdier de la Mou-
lière.

M. Antonius de Jussieu, Regi
à Consiliis & Secretis, Re-
giæ Scientiarum Academiæ,
Regiarumque Societatum Ang-
liæ & Prussiæ Socius, Bota-
nicus in Horto Regio Parisi-
ensi Professor ac Demonstrator.

M. Petrus Poissonnier, Profes-
sor & Censor Regius.

M. Guillelmus Raellan:

M. Joannes - Baptista - Thomas
Martineq, Saluberrimæ
Facultatis Decanus.

Proponerebat Parisiis, AMBROSIIUS HOSTY, Hybernus, Doctor
Medicus Remensis, Legationis Anglicanæ Medicus ordinarius; necnon Sa-
luberrimæ Facultatis Medicinæ Parisiensis Baccalaureus, A. R. S. H. 1750,
à sextâ ad meridiem.

Typis QUILLAU, Universitatis & Facultatis Medicinæ Typographi, 1750.